

Guekgya Gaep Feihyiz:

Ciethah Ginghcuz

□ Liengz Hungzcangh Loz Swng Hij Yangz daengj/raiz Ouh Caijfangh/hoiz



Ciethah, youh heuhguh “ciet-ciengqhah”, “hah”, “ciengqhah”, eiqsei couh dwg eu fwen, de dwg aen cietfwen Ginghcuz ciuhgeq couh cienz roengzdaeu j ndeu.

Ciethah cujyau youq Guengsae rangh dieg Ginghcuz comzyouq louzhengz. Seiz gvaq ciethah gak dieg mbouj doengz, Vanvej, Vuhdouz song dauj dwg youq liggaueq loeg nyied cocib banh, Daujsanhsinh dwg youq liggaueq bet nyied cocib banh, doengh mbanj henz haij cix dwg youq ndwencieng ngeihcib haj hauh banh. Yienznaeuz seiz gvaq ciet mbouj doengz, hoeng ngoenzciet yienghlawz guh caeuq guh gijmaz cix doxdoengz.

Gij lizsij youzlaiz ciethah cienzgangj miz hauilai cungj, ndawde haemq miz daiyauj dwg lajneix song cungj: Ciuhgeq miz boux sienfwen ndeu madaengz sam aen dauj Ginghcuz neix daeu j, doenggvaq cienz fwen fatdoengh vunz lai hwnj-daeu j caeuq doenghgi j funghen apbik doxhoenx. Gij fwen de hawj vunz lai gig gamjdoengh. Doeklaeng, vih geiqniemh de, vunz laeng laeb-baenz le “dingzhah”, dinghseiz youq dingzhah eu fwen cienz fwen, cugciemh bienqbaenz fungsug. Aen gangjap wnq dwg, ciuhgeq gyaeraez, youq din Ndoibwzlungzlingj henz-mboek haij Bwzbuvanh, miz duz iucing sipndangj hungloet ndeu, gwn vunz baenz gvenq bae. Miz boux saenz ndeu ndaej rox le, couh daeu j gizneix vih beksingq cawzhaih. Boux saenz ok geiqmaeuz gaj raemj duz sipndangj baenz sam gyaengh, hawj gyoengqde sw nh raemx lae baenz Vanvej, Vuhsanh, Sanhsinh “sam aen dauj Ginghcuz”, henzgyawj beksingq youh ndaej an'onj gvaq saedcej lo. Yienghneix vunz Ginghcuz couh gungq boux saenz neix baenz “dingh haij daihvuengz”, laeb miuh saxcae q de, moix bi cungj daeu j

henz haij bae cie p “dingh haij daihvuengz” daeu j gwn caeq, gij hozdung neix couh bienqbaenz ciethah lo.

Banh ciethah itbuen aeu sam ngoenz. Geizgan daj laep daengz rongh, eu fwn diuq foux mbouj dingz. Vunz lai gak minzcuz seiqhenz hix comz daeu j angqhoh. Ciethah youq gyang dingzhah gawjbanh. Dingzhah laeb youq henz mbanj, aeu faex-ndei guhbaenz, maenhndongj youh ndei yawj. Gyang ding dingzhah laeb miz congznaengh, gwnzde gungq saenzvih daengx mbanj caez gungq (lumj “dingh haij daihvuengz”) caeuq saenzvih goengcoj.

Ciengqhah hozdung faenbaenz geij hot: Daih' it dwg coux saenz, ngeih dwg caeq saenz, sam dwg haeu jdaiz dingq hah. Ciengqhah dwg ciethah ndawde hot ceiq youqgaenj ndeu, yungh seizgan hix ceiq nanz.



▲ Sau Ginghcuz eu fwen Ginghcuz.



▲ Bak vunz danz yienj gimz-yienzdog baijok fungcingz Ginghcuz.



▲ Vunz lai Ginghcuz camgya ciethah.

◀ Ciengzdieg hozdung ciet-hah —dingzhah.

2006 nienz 5 nyied 20 hauh, aen ciethah Ginghcuz, youz Gvangjsih Bouxcuengh Swcigih Dunghhingh Si bauq haenx, ndaej gozvuyen baecin j liedhaeu j buet daih' it guekgya gaep feihvuzciz vwnzva yizcanj mingzloeg.

2009 nienz, Ciethah Ginghcuz Caeuq Cihnamz Vwnzva Ginghcuz Conzcwnz Yenzgiu Cunghsinh youq Gvangjsih Fangzcwnzgangj Si cingqhangq venjbaiz laebbaenz. Hong yenzgiu cunghsinh cujyau couh dwg baujhoh caeuq cienzsw nj guekgya gaep feihvuzciz vwnzva yizcanj—Ciethah Ginghcuz caeuq Cihnamz vwnzva Ginghcuz lo.

Ciethah dwg ngoenzciet ceiq youqgaenj Ginghcuz, de ropcomz yienh'ok le gij vwnzva Ginghcuz baugvat saenqyiengj, saenqniemh, cingsaenz caeuq gamjcingz lienz-daengz yaem'wenq vujdauj yisuz daengj, cungfaen gangjlwnh le vunz Ginghcuz gij cingzgamj daegdiemj.



▲ Doih coux saenz baedaengz henz haij ciepcoux saenzhaij.



▲ Hekgviq Vietnamz hix daeu j camgya ciethah Ginghcuz.



▲ Doih caeq haij.



▲ Aen yienhciegz saxcae q ciethah Ginghcuz.



▲ Goengsae youq yizsi caeq saenz gwnzde doe g sawcae q.



▲ Vunz lai baiq saenz.



▲ Vunz lai Ginghcuz hwnj yie ng.